

Дин дикланшиврул аьлимтал биклан аьркинссар

ЛАКРАЛ РАЙОНДАЛУЛ ИМАМНАЦАЛССА ИХТИЛАТ

Уттигъанну Гъази-Гъумукун аьрхи багъну, жул корреспондент хъуна авкъунни цѳуну ивтсса Лакрал райондалул имам Давуд-хIажи Тумалаевлушал. Имамнал бувсунни хIакъинусса Лаккуйсса диндалул тагъардания.

Давуд-хIажи, кутIану виятува буси.

Ттул цалчинмур образование – экономикари. 18-ра шинал обрмулия махъ личи-личисса кIанттурдай бухгалтерну зийгу уссияв. Махъва-махъ на бухгалтерну зий ивкIсса кIану хъуна Дагъусттаннал Бусурманнал Диндалул Идара. 2000-ку шинал на увхра Дагъусттаннал Исламрал университетрал

вечерний отделениелувун дуклан. Микку на кIул хъура аьпа бан Абдуллагъ-хIажи Аьлишаевлушал (рахIимагъуллагъ). Му чIумал чансса чIунгу хъуну, на мунахъ учав Исламрал даву дуллан ччай ура, куну. Абдуллагълул увкуна ,лакку мазрайсса Ас-салам кказитраха зузу, куну. На уссияв нава журналистгу акъара, ялунссаннун лакку мазгу ххуйну къакIулли, ттуща му даву дачин дан къабюхъанссар, тIий. Мунияр махъ жу лавгссий муфтийначIан, му иширал хIакъираву. Мунан ттул цукунсса образование дуссарив кIул хъувкун, Диндалул Идаралийн бухгалтерну къамул увнав.


Вана укун, 2001-ку шинал на айивхъуссара Исламрал даврий зий.

Ва
номерданий :



лаж. 5

Чак байсса куц



лаж. 6

Раджаб барз



лаж. 7

Гъарца бусурманчунан кIулну биклан аьркинмур



Гъази-Гъумучи

Цѳуйшиял аьлимтал

АбдулхIалим-апанни

Цѳуйшатусса АбдулхIалим ивкIун ур диндалул элмурду дакъасса, цаймигу элмурду кIулсса аьлимчу. Цала чIумал мунал шяраву тIивтIуну бивкIссар тIар мадраса. Та мадрасалу мунал дишайсса диркIссар тIар личи-личисса дарсру: астро-номия, математика, физика, химия, философия. АбдулхIалим яхъанай ивкIун ур Агълар-ханнал чIумал. Халкъуннал бусласимуних вичи дирхъуну, АбдулхIалим дуклай ивкIссар тIар Аьрахънал Саэдлуца, Ссугърашиял Абдуллагълуца, Мааьди-МухIаммадлуца. Шинну ларгун мукахъ АбдулхIалим цала муаьлимтураяр ялтту увкун ур. АбдулхIалимлул чIумал Цѳуйшиял мадрасалул сий хъинну лахъсса диркIун дур. Ма-драсалуву дуклай бивкIун бур 170 мутааьлим.

Ца чIумал бивкIун бур Агълар-ханначIан кIия обруснал аьлимчу. Мийннал Агълардухъ увкуну бур: «Лакку билаятрай уссарив жул суаллахъхъун жаваб дулунсса аьлимчу? Ухъурча жучIан уца гъалгъа бан», – куну. Агълар-ханналгу овкуну бур Цѳуйшиясса АбдулхIалимлуин. Миннал буллусса суаллахъхъун АбдулхIалимлул щаллуну жаваб дулуну дур. АбдулхIалимлул буллусса ацIвагу суаллава, шанма суалданухъхъун бакъа миннаца жаваб дулун къавхъуну бур. Агълар-хан ххаригу хъуну, АбдулхIалимлухъ увкуну бур: «Винна ци ччай дуссарив ттухъ буси», – куну. АбдулхIалимлулгу увкуну бур: «Аьрабнал тарихчирал чивчусса кIива лу аьркин хъанай бурча, мий ччива», – куну. Агълар-ханнал амрулийну, гай кIива лу бучIан бувссар тIар Турциянава. Мий кIива луттирдацал ганан буллуну бур бартбисугу. Амма цIана кIул буллай цукунчIав

кIул бан къавхъунни мий ци луттирду бивкIссарив. АбдулхIалим куна гъарца чулухунай элмурдаву гъунар бусса ивкIссар ганал арс МухIаммад-апаннигу. МухIаммад-апаннинал чичайсса бивкIссар лакку мазрай бакъассагу, аьраб мазрайссагу шеьрирду. АбдулхIалимлул, мунал арснал чичурду, луттирду яхъуну бакъар. Мий циняв луттирду, чичурду бивчуссар тIар аьрщараву. Умуд бур ттула Аллагънал ﷻ кашилий жунма АбдулхIалимлул ва МухIаммад-апаннинал луттирду ва чичурду та бунугу лякъинссар тIисса.


Цѳуйшиял ХIажимурад

Ккуллал райондали Шѳуйшиял шяраву 1853 шинал ЧанкIа тIисса хъудугъул кулпатраву увну ур аьлимчу ва шаэр ХIажимурад.

лаж. 4

ХІан даххаврин

Къадагъа



Дагъустаннал парламентарал депутатътурал апрельданул 18-нний бувсса хІукмулийну, Дагъустаннай бусурманнал зума дугъайсса Рамазан зуруй хІан даххан къадагъа дирхъунни. Мукунма, му хІукмулул къадагъа дурссар КІулшивуртгал кьини (1 сентябрь), Жагьилтурал кьини (27 июнь) ва ОьрчІру буруччаривл кьини (1 июнь) хІан даххаврингу.

Онлайн-дарсру

Шава унува элму лахъхъаву – цІанасса заманнаву жунма Аллагьнал ﷻ буллусса неъмат хъанай бур. Мукунсса сант шаллу дурну дур IslamDag.ru сайтрал. Онлайн-режимрай аьлимтурал бувчІин буллау бур диндалул аслурду ва лахъхъин дуллау бур багъа бищун къашайсса элму. Дарсру дихълай

бур шанма луттирайн бувну: «Мукъаддаматыль-ХІазрамия», «Аль-башаратуль-Аминия» ва «Бидаятуль-Гьидаят» арвахІ, ххамис ва нюжмар кьини ссят 3-нний. Онлайн-эфирданува дарсирах вичІи дишин къабювхъуминнаща хъанай бур ччимур чІумал сайтраву бувххун цала лях къадиртсса дарс ляхъин.



Ниятру марці дува!

МухІаммад Идавсил ﷺ хІадисраву увкуну бур: «Гьарца аьмалданул кьимат бищайссар ниятрай бувну», – куну. Муният, жунма аьркинссар хІарачат бан гьарца бизайсса ша, байсса аьмал Аллагьнахлуну ﷻ марцісса ниятрай буллан.

Жува чІявусса хъинсса аьмаллу бувару муниха лархъхъусса ният дакъанура, мива аьмаллу тІайласса ниятрай буллау бивкІссания, цукссагу хъунмасса чири биянссия. Идавсилгу увкуну бур: «Цикссари инсаннал байсса хъинсса аьмаллу, ялун урган дунияллул тІуллуну чІалачІисса, амма тІайласса ниятрайну Аллагь ﷻ рязисса аьмаллин кІура байясса. Мукунма, ялун урган чирисса аьмаллуну чІалачІисса, амма тІайла дакъасса ниятрайну чири къачивчуну личІайсса» – куну. Ва хІадисрал хІакъиравусса ца бусала бур аьлимтурал луттирдаву. Ца адимина гьарца хъхъуну Кьуръан буккин шания изайсса ивкІун ур. Ца хъхъуну мува куццуй Кьуръан ккалай щяивкІун унува, тІивтусса чІавахъулттувух ганан бавну бур чІаххучувнал дарваза тІивтлусса чІу. Му чІумал мунал чІу лахъ бувну бур цува Кьуръан ккалай ушиву чІаххучунангу баяншиврул. Му куццуй, цалва буккайсса аятругу бувккуну, махъунай шанан утту ивхъуну урча, макІра ккаккун бур Къиямасса кьини дуркІун, гьарцаннан цалва хъинсса аьмаллах чири, оьсса аьмалах – танмихІ буллау. Цайна яржа бивуну урувгукун, га хъхъуну бувккуну Кьуръандалул ца аятрахсса чири къачивчуну ляхъуну бур. МахІатгал хъуну, шикаят буллан ивкІун ур, на га аятгу бувккуну хъа, ганихсса чири цан къачивчуссар, тІий. «Га аятрахсса чири була уча та вила чІаххучувнахъ, цанчирча, ина га аят Аллагьнахлуну ﷻ къабувккуну, чІаххучувнан баяншиврул, ккаккиялун бувккуну» – куну жаваб дуллуну дур ганан. Ццахханнарал хъуну чантІ увкусса адимина пашман хъуну, тавбагу бурну ттиния мукъах гьарца даймур марціну дуллансса махъ буллун бур Аллагьнал ﷻ хъхъичІ. Хъинсса аьмаллу ккаккиялун баврин учайссар рияъ куну. Му хъанахъиссар хъунмасса бунагъ, мунил гьарца бувсса хъинсса аьмал ччувчуну бухлаган байссар. Му Аллагь ﷻ рязи акъасса хасият жуватура дуккан даву гьарца бусурманчувнал буржри. Аллагьнал ﷻ кумаг баннав марці дурну къюкІругу, хІакъсса ниятирттай, Аллагь рязишивруй оьрму бутан!


isaassalam@gmail.com

Омейядтурал мизитрал минара лекъан бувну бур

Алеппо шагърулий Сириянал мизитирттава яла хъхъичІаваминнувухмурну ккалли хъанахъисса Омейядтурал мизитрал минара дягвилул ппив бувну бур, цуппа мизитгу ккуллраду, снарядру щуну лекъа-пІякъу хъанай бур. Ва мизитрал лагма цимивагу зуруй гужсса талатавурду най диркІун дур. ДукІусса шинал октябрь зуруй ЮНЕСКОлул ва мизитраха ляличІиссабуруччавудан аьркиншиву баян бувну бур, «дунияллий яла исвагъими мизитиртгал» сияхІравунгу бутун бур.



ТІуркІулий къадагъа



Аьрабнал Эмиралитр-таву Call of Duty тІисса тІуркІулий буклан къадагъа дирхъуну дур. Му игралуву ххув хъуншиврул Кьуръандалул луттирдайн битлан багъайсса бур, ва

хІажатханттуву Аллагьнал ﷻ ца дусса чичру ккаккан дурну дур. Му куццуйсса, Кьуръан къюкьин буллалисса тІуркІурду баххайсса тучаннугу лакьлан тІий бусса бур ОАЭнаву.

Татарстаннал цІусса муфтий

Апрель зурул 17-нний Татарстаннал бусурманнал съездрай увчІунни цІусса Динналул Идаралул председатель. Муфтийну ивтунни Камиль-ХІазрат Самигуллин. Съездрай гьуртту хъунни циняв районнаясса имамтал – цинугу 250-нния ливчусса инсан. Мажлисраву гьуршинна дурунни Татарстаннал президент Рустам Миннихановлул. Камиль Самигуллин увну ур 1985-ку шинал. Дуклай ивкІун ур МахІачкъалаливсса Исламрал Университетраву, яла Турциянаву ва Татарстаннай.



ХІажран хас бувсса пресс-конференция

ООО «Марватурданул» пресс-центрданува хъунни ХІажран хас бувсса пресс-конференция. Шикку бувсунни гъашину Дагъустаннан ХІажлив гъан мйязарва кІану буллушиву. «Дуссия шинну Дагъустаннан 12000-нния ливчусса кІантту булайсса. Шиная шинайн цайми регионнаясса ХІажлив гъан ччимий гьарза хъанай бур, муниг бувну, жулламур квота къуркъунни» – увкунни ООО «Марватурданул» хъунама АхІмад ХІабибовлул.

Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

Редакционный совет

Председатель редакционного совета муфтий РД
Ахмад-хаджи АБДУЛАЕВ
заместитель муфтия РД
Махди-хаджи МУТАИЛОВ

Главный редактор

Заурбек (Абдулла) ЯИКБАЕВ

Редактор

Иса ОМАРОВ

Канонический редактор

Курамухаммад МАГОМЕДОВ

Менеджер

Абдусабир АХМЕДОВ

Дизайн, вёрстка

Мухаммад МУСАЕВ

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-37006 от 29 июля 2009 г.

При перепечатке ссылка обязательна. Набрано и сверстано на компьютерной базе газеты «Ассалам».

Отпечатано в ООО «Дом печати» по адресу: пр-т Акушинского, 20

Заказ №

Тираж 3150 экз.

Сдано в печать 30 апреля 2013 г. в 19:00

Индекс 51388

Адрес редакции

367015, РД, г. Махачкала, ул. Аскерханова 13а.
Тел.: (8722) 51-85-22.

По вопросам подписки и доставки обращаться по телефону: 914-222, 8-988-291-42-22.

E-mail: assalamlak@mail.ru

www.assalam.ru

Дин дикланшиврул аьлимтал биклан аьркинссар

1 « Гай шиннардий жу
Абдуллагъ-хIажинащал
чIявуну Лаккуйну бучIайссияв.
Нагу ттушава шайсса кумаг бан
хIарачат байссия. Га чIумал жул
чIарав бавцIумийгу чансса бия. Ттун
бувчIан бивкIуна халкъуннаву
динналул дяъват буллан багълай
бушиву. Ца чIумал Чиркейливсса ма-
драсалувун даврил иширай лавгун
унува, мадрасалувусса иш-тагъар,
кIиккусса барачат ккаккун ца аь-
жаивсса асар хьуна, элму дуккаврих
гьира багъуна.
Муниннингу на элмулул луттир-
ду ккалай уссияв, мунияту махъ-
унай учIайхтту, мугълат бакъа
муфтийначIан лавгун дуклан ччай
ушиву бувсьссия. 2009-ку шинал
на кьуртал бувссия Дагъусттаннал
Исламрал Университет. Мунияр махъ
зий уссияв ДУМДрал дяъват-отдел-
даний, яла МахIачкъалалив Сайфул-
лагъ-Къадиал цIанийсса мизитрал
имамну. ДукIусса гьинттулния шинал
зий ура Лакрал райондалул имамну.

**ХIакъину Лакрал райондалийсса
жамиятру диндалул тагъар цу-
кунсса дур?**

Лакку билаят мударангу элмулул ва
диндалул чулухунмай хьхьичIунсса
кIанай бивкIссар. Дагъусттаннал
тарихрава жунма кIулли Ислам
гъаз давриву лакрал аьлимтурал
ва гъазитурал цукунсса захIмат
бивхъсарив. ЦIанасса чIумал гай
виргтаврая чIявусса кIулу бакъар,
цанчирча, диндакъултрал жула
дакIурдива аьлимтурал цIарду леххан
дан хьунмасса хIарачат бивхьуну бур,
хIатталливсса кIялабарзрува ппив-
ххив бувну. Туршра-кIиттуршра
шинаяр хьхьичIивасса чару гьаттай на-
жагьгу ккаккаккай. Хьунисса аьлим-
турал зияратиргтай фермарду дур-



нугу ляркъунни. Луттирдава жунма
кIулли Гьумук арулцIалваксса зияра-
тру бивкIшиву, аммарив хIакъинусса
кьини минувату ххюва-ряхва бакъа
чув буссарив бусан шайсса цучIав
акъар. Жу буру администрациялуцал
цачIун хьуну гай аьлимтурал зияра-
тру цIубуккан бан ччай, Гъазигъуму-
чиял сий гъаз баншиврул.
Жамиятру диндалухсса ва диндалул
агъалинахсса бургаву даххана хъа-
най дур ххуймур чулиннай. ЧIяву
хъанай бур имамтал, мутааьлимтал.
Мукун бунугу, жула чIаххуврайсса
даргиял ва яруссаннал шяравалляар
му чулухунмай махъун багълай буру.
Мунил яла хьуннамур сававгу –
жула халкъуннан ххан бикIай имам,
малла, диндалул инсан чара бакъа
хIарамзада икIан аьркинсса кунма.
ХьхьичIива-хьхьичI кIулу бикIан
аьркинни бунагъ бакъасса инсан
къаикIайшиву, жува идавстал ягу ма-
лаикталгу бакъахьувкун. КIилчингу,
арулцIаллахьул шиннардий совет

хIукуматрал диндалул инсантал
оьккимур чулуха ккаккан бан хьун-
насса кабакъаву дурну дур. Мунин
бывну, жула халкъ циняв цивппа
бусурманталлу, жул буттал-буттахъ-
ул хьунисса аьлимтал бивкIссар
тIий бухьурчагу, чIявучин динда-
лул агьулданнин, имамтурайн щала
вихшала къадай. Тула хьхьичIива-
хьхьичIсса давугу – му тагъар ххуй-
мур чулиннай даххана давуно чIалай
дур, цанчирча, имамтал, мизитравун
заназими вайминал эбрат ласунну
къуццу буллан аьркинссар. Ттуяр
хьхьичI шикку имамну ивкIсса
Саламов МухIаммад-хIажиналгу му
чулухуннай хьуннасса даву дурну
дур Исламрал цIа гъаз даншиврул.

**Уттигъанну Гъазигъумук зузи
бывсса мадрасалул даврия ци бу-
сан хьунссар?**

Жунма кIулли миллатраву Ислам,
дин дикланшиврул миннаву аьлим-
тал бикIан аьркиншиву. Аьлимтал
букканшиврулгу, мутааьлимтал
дуклаки бансса мадрасартту бикIан
аьркинни. Мунин бувну, на шиккун
зун увкIукун, на анавар увкссияв
мадраса дузал бан. Шикку дуклаки-
миннан лахъхьин байссар имамнал
давриву чанма-чанну кIулу бикIан
аьркин шаймур: Кьуръан буккин,
бивкIу буччин, магъар бишин,
мавлуд дан ва мукунма цаймигу
чара бакъа кIулу бикIан аьркинс-
са масалартту. Цанчирча, цаппара
щархъаву инсан ивкIусса чIумал
га уччиншиврул цамур шяравату
инсан уцайсса аьдатгума дур. Жу ва
мадраса бакъин бувну, шикку дукла-
киминнан гьарца зад щаллу дурну
дуссар. Кьуя инсан шиккува ялапар-
гу хъанай дуклансса сант дуссар. Ва
хъанакъиссар МахIачкъалаливсса
махраж-тажвид лахъхьин дайсса

курсру бусса СайидмухIаммад-хIажигъ
Абубакаровлул цIанийсса фондрал
филиал.

**Райондалул жагъилтуращал, ду-
клаки оьрчIашал хьунабакъавурт-
ту шайрив?**

На шиккун зун увкIсса чIумал на
хьуна авкъуссияв ОНОрал хьунамана-
щал ва школардал директортуращал.
Имамтал мударангу буссия школардайн
занай, ОНОращал цалийн дучIан
дурсса темалийнсса лекциярду бул-
лай. Буссар хъаннил дянив дяъват
буллалисса диндалул элму дурккусса
хъамитайпагу. Амма ца-ца кIантту
хьуну бия имам лавгукун, учитель
увкIун, оьрчIахъ танал бувсмунийн
щала вихгу машарича, тIисса. Мукун-
ма, оьрчIру шаппай бувкIукун, нитти-
буттахъ укунсса имам увкIун ия увку-
кун, гайннал тай магърия бусласисса
тIисса кIанттудугу хьуну бия. Жу
оьрчIал дакIниву чивчумур гайннал
леххан буллай ляркъунни. Цивппа
учительтуращал хьуна бакъуну, гьал-
гъа бувкун, бювхьунни бувчIин бан
жу лахъхьин буллалимуниву цичIав
оьккисса бакъашиву. Школардай зузи-
ми диндалул душмантал бакъашивугу
жун кIул хьунни.

**Жул буккултран цукунсса
насихIат банна?**

Жунма цинявнангу, хаснува Ас-
салам кунмасса диндалул казитру
чичайминнан, буккайминнан аьр-
кинни цала-цала миллатрал, шяра-
валлил, тухумрал тарих кIул дуллан.
Гьарца тухумраву бивкIссар аьлим-
тал, валитал, дурккусса агьлу. Гайн-
нан бувгъуну най бивкIсса тIайласса
ххуллу бувгъуну бачинсса тавпикъ
Аллагънал ﷻ булуннав тIий ура.

ЦIуххаву дурссар

АбдурахIман МухIаммадовлул

Талкъин лакку маэрай

Муьминсса диндалул усуу
Дуньял къадиртсса Заннал лагъ,
Бувккусса гьантри бухлавгун
Къадарданийн ивсса пулан.

Фаризасса бивкIу бувкIун,
Гьаттаву ина увчунна,
Гьаттавусса хIисаб-суал
Утти вин мигу хIакъ хьунни.

Тти вил ялун бучIанссари
Аллагънал кIива малаик,
Мункар ва Накир увкуну
Киннаннагу цIарду дусса.

Вин пайда бан къабюхъайсса,
Зарал биян бан къашайсса,
Аллагънал амру бувмунийн
Мютгий хьуну заназисса.

Тти вихъ миннал цIуххинссари
Вил Зал, Идавс цури, куну,
Ци диндали ивкIра куну
ХитIаб дурну гьалгъа банссар.

Яла ина жаваб дула
Нач къавхьун, ни гъа къаувсун,
Заннал малаиктурахьхьун
ХIал баххана хьун къабивтун.

Цинявппа халкъ ляхъан бувма
Халкъуннан ризкъи булайма,

Уттавами литIун байма
Аллагъри ттул Заллу, куну.

Дин кIул дуван цув гьан увсса,
Вахъю цачIан тIайла бувсса
Кьурайш тухумдалиясса
МухIаммадри ﷻ Идавс, куну.

Ислам ттул динди увкуну,
На муний ивкIура, куну,
Шагъадатгу дучIан дурну
Гьалгъа ба Мункар-Накирнахъ.

Имамгу Кьуръанди уча,
Къиблагу Къябари уча,
Чак ва зума, закат ва хIаж
Жуйвасса фарзрури уча.

Муьминтал ттул уссурвали,
Муьминатъхул ттул ссурвали.
Аллагънал эки ливчусса
ЩайтIангу душманни уча.

Къияма кьини дучIаву
Щак бакъасса хIакъшивури,
СиратI, Мизан тIайлассари,
Алжан ва Дуржагъ хIакъссари.

Ва куццуй жаваб дулурча,
Алжан вин хIадур бувссари,
Жаваб дулун къабюхъарча,
ХIисаб-суал цIакъ хьунссари.



ТIайлану жаваб дулунсса
Тавпикъ Заннал вин дулуннав,
Цанма ххира лагътал кунма
Ина тIайла ацIан аннав.

Хьинну хIакъсса гьалгъа буван
Аллагънал тIайла уваннав,
Цинявппагу вай муьминтал
ТIайла бацIан бувсса куццуй.

Тти вин Заннал ссалам хьуннав
Вил чIаххурурайнгу хьунав,
Имандали рухIру дурксса
Муьминциривнайну хьуннав.

Аллагънал къадарданийну
Зу хьхьичIун бувккун бунугу,

ХIакъну хIадурссару жугу
Му зул ххуллийх хьирив бучIан.

Аьрщарая ляхъан бувну,
КIилчингу аьрши хьун бувну,
Ахирданий бизавугу
Аьрщарая хъанай бури.

Дунияллийсса гьарца зад
Пана шаву хьинну хIакъри,
ХIакъсса жула Зал акъама
Махъ личIайсса зад дакъари.

Инна лиллаги Аллагънан
Лагъшиву дан ляхъан бувру,
Махъва-махъгу АллагъначIан
Цинявппа зана шайссару.

Шуйшиял аьлимтал

1 « ХьхьичIва-хьхьичIсса цала элмулугъану бизаву Хажимураддул дурну дур цала шярвусса мадрасалий. Шярвусса мадрасагу къуртал бувну, му дуклай ивкIун ур Гъумуксса Исмаил-апаннинал мадрасалуву, гиччагу лавгун ур Ссугърациял шярвусса МахIаддул мадрасалувун. Гагу къуртал бувну лавгун ур Кураллавун Атлухан-апаннинал мадрасалийн. Вай циняв мадрасарттаву Хажимураддул лархьхьуну дур та заманнай Дагъусттаннай лахьхьайссар элмурду. Цала дуккаву къуртал шайхту Хажимурад ивкIун ур дарс дихьлай личIиличIисса мадрасарттаву: Шуйшиял, Хьурхьиял, Вилтгациял. Хажимурад шамила хIажлив лавгун ур, кIилчин нанисса чIумал му ахьтта лавгун ур. Цал хIажлия зана хьуну нанисса чIумал га аглан хьуну ур Стамбуллай, цала кIулшиву куртI дансса къасттирай. Ххюра шиная Стамбуллай ккалай ивкIун ур. Тийх му хьунаавкьун ур хьунасса аьлимчунашчал Гуль-МухIаммад-хIажинашчал. Дуккаву къуртал дурукун Гуль-МухIаммаддул Хажимураддун ххирасса аьсав дуллуну дур. Га аьсав уттигу дусса дур Хажимураддул гьанминначIа. Дурккуну къуртал шайхту Хажимурад зана хьуну ур шавай. Хажимураддун кIулну бивкIун бур чIявусса мазру. Ганал аьраб мазрая лакку мазрайн таржума дурну дур бусурманнал хIукуматирттай хьинну сийлисса МухIаммад ибн Саэд ал-Бусиринал чивчусса «Кьасидат ал-Бурда» («Аминтаза»). «Аминтаза» бившун бур 1909 шиная Шурагъ. «Аминтаза» сакин дурсса, дуняллийх машгъурсса аьрабнал шаэр МухIаммад аль-Бусири (1212-1294) цIуцаврил увгьуну, дарман кьаляхьлай ивкIун ур. Ца кьини ганал увкуну бур: «Я Рабби, на Идавсиха ﷺ цIа дурсса назму дарча, ттул чурххан дару кьахьунавав!», – куну. Ганал «Аминтаза» къуртал дурсса хьхьуну макIра Идавс ﷺ увкIун, Бусиринал чурххайх цала ка дурккун дур. Гьунттий лавай ивзукун, ганан цала чурх сагъ хьуну лявкьун бур. Инсаннал «Аминтаза» чIявуну ккаларча Аллагу Тааьлалан барачат булайссар ва оьрму лахьи байссар тIий бур. Хажимураддул чирчуну дур лакку мазрай чIирисса, кутIасса, мяъна куртIсса мавлуд «Мавлид ан-Наби». Цала каних чивчусса чичрурдай му буслай ур суфизманияту, тарикьатрая, шариаьтракьанунная. «Арснайнсса васият» тIисса назмулува га ур арснахь дуняллий инсаннал цIар личIайсса тIий, цаманан зарал бан, оьмур цIа кьаритан бигъассар, хьинмур цIа кьаритан захIматссар, цаманан хьинбала бан чумартсса дакI дикIан аьркинссар, халкьуннал дард, чIаххурал дятгулуву, дуснайн дуркксса кьинилува хIала хьун аьркинссар тIий. Ва цала арснайнсса васият бакъарча ва цалагу махьа нанисса ники-



райнсса васиятри жула буттал буттахьгал бувсса.

ЛичIантIиссар ина дурсса давугу Миллатран мюнпатсса агар дуварчан.
Абад яхьунтIиссар вил балайрдугу Халкьуннал дакIничIан ххулу лякьирчан.

Хажимурад ивкIуну ур 1909 шиная, увчуну ур цала ххирасса усттазначIа АбдулХалимлучIа. Ганал аьрабрай чирчусса назмулия Сириянал аспирант чичлай ур: «Ва аьлим Хажимураддул чичрурду ххишала дакъа бюхтулсса даражалый чирчусса дур. Аьрабнал поэзиялува ва кьалипрай чичайсса увагу ттинин ца шаэрди хьусса. Аьраб акъасса аьжамнал аьлимчунал укусса затру чивчуну бия тIурча, буттал кIанттай тгуйн вих кьахьунтIиссар, мунияту на вайннул фотокопия ласав тийх ккаккан бан». Ганал чирчусса назмурду ттигу цаллуну даргIун дакъар. ЧIяруми назмурду, луттирду аьршараву бувчуну лякьин хьуну бакъар. Аллагьнал ﷻ кашилий лякьинхьуви жунма та бунугу Хажимураддул чичрурду ва луттирду.

Халил-къади

Халил-къади увссар аьрабнай дурккусса аьлимчунал кулпатраву. Мунал бутта Рамазан дуклай ивкIун ур Ширваннай хьунисса аьлимтурачIа. Дуккаву къуртал дурну махь му авцIуссар тийх-ва дарсру дихьлай. Тиккунма бувцуссар цала кулпатту. Рамазаннул цала чивисса арснан лахьхьин бувссар чак бан, Кьуран буккин. Амма Рамазан кьашай хьуссар таоьнрал (чума). Хьунма хIал кьавхьуну къуртал хьуссар. Бутта ивкIуну махь Халил-къади дуклай ивкIун ур Шуйшиял Хажимураддулчуа. ГаначIа дуклай Халил-къадинал хьуну дур 13 шин. Халил-къади ивкIун ур дуккавил иххьявхсса, мазрал пасихIсса муталлим. Хажимураддул цува кьашавайсса чIумал цала оьрчIру аманат бувну бур Халил-къадинайн. Хажимурад ивчIайхту ганал арс-

Мяьсум дукра кьаканай кьавкьун авчуну ур. Халил-къадинал Мяьсумгу увчуну лавгун ур Кьукнив Хажимуса-хIажиначIан. Халил-къади буслан икIайва тIар, мубаракнал цачIана увчуну Мяьсум киямур канил цала хьаралу чIувингу увну, ганал бакIрайх урчIамур каних шамийла ках куну бур тIий. Ганал ках учагивуну кIяла ларгсса Мяьсумлул сипат цакуну даххана хьуну дур. Хажимусал бакIрайх ка дурккун мукъах Мяьсум оьрмулува кьашайвагу хьуну акъар. Хажимурад ивкIуну махь Халил-къади дуклай ивкIун ур Гъумук. Яла дуккавугу къуртал дурну, га зий ивкIун ур къадину ХьурукIрав, Хьуриг, Хьунав. 1930 шиная бугьлан бивкIссар ссалчIав тахсир бакъасса аьрабрай дурккусса аьлимтал ва цала марцIсса захIматрайну маэшат буллалисса халкь. Га иширал цIаний Шуйшиял Халил-къадигу увгьуну ур 8 шин дуснакьралгу дуллуну. Дуснакьу лавхьун Халил-къади шавайн учIаннин мунал чIумувун бувхсса кIива душ шярваллил кказитрайсса Лениннул сурагтай кьаркьарал тангъа ляркьуну тIий, дуснакь бувну, бьавкьусса КIялахьхьирил зуманив гьан бувну бур 3 шин дуллуну. Га тангъа гай Халил-къадинал душварал дурссар тIий багъана лявкьун бур. Дуснакьгу лавхьун нанисса Халил-къади шярвун ухан кьаивтун, кIилчингу НКВД-лул дуснакь увну ур. Халил-къади дуснакьравусса зулмурду бухIан кьавхьуну, шанма зурува, 1942 шиная сентябрь зуруй 26-нний Шурагъсса дуснакьраву ивкIуну ур. Га ивкIусса мунал кулпатран Лаккуйн баянгу кьабуну бур. 1959 шиная постановлениялийн бувну Халил-къадинай тахсир бакъашиву мийжан хьуну ванал дело ларкьуссар тIар. 17 шиная арснан кIулхьуну бур цала буттал бакIрачIан дуркIун диркIсса кьинилул къадар. Циксса багъана бакъасса лакрал диндалул аьлимтал Ссивирнал, Шурагъиял ва цаймигу дуснакьиргтаву ливтIурирав? Бусласи буван хьурдай цала бакIрачIан дуркIсса кьинирдая.

Аьйшат ХIажиевал «Лакрал шайхтал, валитал, аьлимтал» тIисса луттирава

Жамьят-чак

Жамьятрай чак баву Дин-Исламрал лишанни. Му лишан дачин дан шяраву гьарца чак жамьятрай баву ялувссар. Арамтурай фарзу кифаяр – шяраву кIиннал-шамуннал барча, циняв щанил агьлу бунагьрала буккайссар, кьабарча циняв бунагьралун багьайссар.

Чирисса шяраву ца кIанай барчагу гьассар. Хьуннасса шяраву, шагьрулий кIива-шанма кIанай бан ялувссар. ХIатта, жамьят кьабайсса щар духьурча, миннал ялувманал ба чин ялувссар. ХIасил, кIия адимина цачIун хьусса кIанай жамьят бан ялувссар, ца имам хьуну, ца маьмум хьуну шяраву бикIу, кьатув бикIу. Кьабарча мий шййтIаннуяр бухсса арамталли. Жамьятрай чак кьабитан цукунчIав ихтияр бакъассар, ца кьамулсса оьзру бухьурча бакъа: мурчIисса уну ачин кьабюхьавай, уцинмагу акъа, уцинсса ухьурча мунайума ялувссар. Ягу, кьашавай уну, ягу кьашайманачIа уну, чIарав акъа кьабучIину. Ягу ивкIума учлай уну, ягу гьарал лачIлай дуну, кьарки дуну, ягу оьккисса марч, оьккисса дяркьу, оьккисса кIиришиву дуну, ягу ккашилну, мякьну уну, кIущин бивну уну, шанул кьистану уну, буруккин багьну уну. Ягу, залимнаяту, душманнаяту нигъа услай уну, хьуслин, цанма зарал банссар тIий кьатIув уккарча. Ягу ялурушин дусса уну, дулунсса дакъа, миннул заллу бакIрайн агьну дула тIий инжит анссара тIий. Ягу, кьисас ялув хьусса уну, хIяд (ялурушинна, аьчIа) ялув хьусса уну, цаппара гьантрай кьауккарча кьалавсна къуртал хьунссар тIий. Ягу, лахханмур дакъа кIачIану уну. Ягу, хьхьичI чак байма аьдил акъасса уну, кьираат («АльхIам» буккаву) ххуйну кьабуккайсса. Ягу сапарданий уккан хIадур хьуну уну, жамьятрайн гьарча гьалмахтураяр махьун агьанссара тIий. Ягу оьккисса кьанкь ришайсса дукра дуркуну уну, хIачия хIарчIун уну, чимус кунна, сан кунна, кьая кунна, лаччи кунна. Ягу цацIара, янналуцIа кьанкь дусса уну. Вай оьзрурду бусса, ягу вайннуха лавхьхьусса цайми оьзрурду бусса адиминан бакъа, цукунчIав жамьят кьабитан ихтияр дактассар. Цалвалу бувну фарийза яла гьарчагу, жамьят кьабаврил бунагьралун агьайссар. Му шалва камилсса чакгу кьашайссар. Хаснува, мизитрал чIаххучувнан бакъассар рухсса жамьят кьабитан. Мунил чIаххулгу му мизитрал лагмавава мукьцIалва кьаттар. Миннай му мизитрал хIукьюкьру (чара бакъа бан аьркиммур) буруччин ялувссар. Муниву жамьятрай чак бан лагавугу мунил хIакьри. Миву бакъа мабарача бюхьайссаксса. Шаппа жамьятрай чак бан бюхьайсса сант духьурча, шарссанишал бунугу, оьрчIащал бунугу, хьамаличувнашчал бунугу, щидшал бунугу мукун бавугу суннатссар. ХIатта, миннангу жамьят хьуншиврул мизитраву бавунияр шаппа баву хьинни тIиссагума бур. Жамьятрай яла чанмургу ца имамгу, ца маьмумгур. КIия акъахьурча жамьятрай чак кьашайссар. Амма, жамьят хьунмассаксса чиригу хьунмассар. Хьунмунийн лагаву суннатссар Цалвалу фаризасса чак бусса адиминал яла жамьят буллай бухьурча миннашчал бавугу суннатссар, цIу бан ниятрай. ХIатта, хьхьичIмургу жамьятрай бувну бунагу баву суннатссар. Амма, ливчIсса чак хьирив лахьан куну бахIаву хьинни. КIилчин бакъа, шамилчин цIу баннив кьабучIиссар. Жамьятрай бакъа цалвану цIу бангу кьабучIиссар, рукнурдаву, шартIирдаву гьалатI бурдивав тIий щак хьурча бакъа. Хьаннилгу жамьятрай чак бан суннатссар. Миннан имамшивугу адиминал даву хьинссар, шарссанил давунияр. Адиминал имамшиву дуллай ухьурча, хьхьичIун увккун ацIанссар. Шарссанил дуллай духьурча щуттаву дянив дацIанссар. Амма, хьаннин мизитравунияр кьатлуву баву, я цанма хасьсса мизитраву баву хьинссар. Жагьилсса хьами арамтал бусса мизитравун бучIавугу карагьатссар. Хьунив хьумий бучIавурув суннатссар.

Жамятрай чак баврил ххирашиву

Жамятрай бувсса чак кьуния арул-ва даражалул лавайссар цалвалу бувсса чаклияр. Мунил чиригу, кьадругу хьунмассар. Хатга, жамятрай бувсса чак хиялдашл, пикрирдашл барчагу, чансса буну-гу чирі хіасул шайссар. Цалвану бумунил мукум барча чирі бакъ-ассар. Даражартгал, макъамиртгал, тІаабиртгал, ахІвалдал яла ххуй-мур барт-хъама ххювагу чак жамя-трай бавур.

Жамятрай ялув авцІуну чак байсса адиминан гьатгал аьзав дакъассар, дуржагьрал аьзав дакъассар, нифакърая марцІссар, Аллагьнан ﷻ ххирассар, Идавсин ﷺ ххирассар, малаиктуран ххирассар, муьминтуран ххирассар, дуньяллул неьмат тІивтІуссар, Алжаннул хьулурду тІивтІуссар, Къиямасса кьини идавстурашл, сиддийкьинтурашл, шугьадаьтурашл, салихІийтурашл Аьрширалу икІантІиссар. Цалва гьанминнаятусса ттуршуннан шафааьт биянтІиссар. Аьмаллал лу урчІа канихъьун булунтІиссар. СиратІрайх пар куна лавхъун гьантІиссар. Алжаннавун хісав дакъа уххантІиссар. Ххювагу чак жамятрай байсса адиминан азара Аллагьнал ﷻ ххулий гьазаватрай ивкІусса гьазинануксса чирі буссар. Аьлимчунал хьирив бувсса ца чак муьказаллий муькІаллий муьква чаклил кІанай бацІайссар.

Кьюрххил чак жамятрай бувманан шалла хьхьу утгара дурсаксса чирі буссар. Фирдавс Алжаннавун арулцІалва даражагу бикІантІиссар Ахтайн чак жамятрай бувманан Аьднан тІисса Алжаннавун ххюцІалва даража бикІантІиссар. Ахттакъун чак жамятрай бувманан Исмаиллул ﷺ авладраятун мийва бакІ тархъан бивтссаксса ва ХІаж бувссаксса чирі буссар. МаркІачІан чак жамятрай бувманан кьамулсса ХІажгу, Оьмрагу бувссаксса чирі буссар.

ХъатІан чак жамятрай бувманан дачІи хьхьу утгара дурсаксса чирі буссар. Жамятрай байсса чакурдива яла ххирамургу нюжмьар-чакри, яла нюжмьар кьинисса кІюрххил чакри, яла гьарца кІюрххил чакри, яла хъатІан чакри, яла ахттакъун чакри, яла ахтайн чакри. Миннуву яла бан захІамтмургу, жамятрайн гьан захІамтмургу кІюрххил чакри, яла хъатІан чакри. Жамятрайн лагайма мий кІиннинмагу гьан аьркинссар. Мунапикътуран мий кІивагу чакнир кІусса чак бакъассар. Миннуву бумур даража кІулссания миннан, ххярк тІий бучІаванссия.

Ца оьзру бакъана жамятрайн ризкьилулу барачат бакъассар, лажиндараву нур дакъассар. Кьюрххил чак жамятрай кьабайсса адиминал лажиндараву нур кьадикІайссар. Ахтайн чак кьабайманал чурххаву кьувват кьабикІайссар. Ахттакъун чак кьабайманал хьусливу барачат кьабикІайссар. МаркІачІансса кьабайманал дуканссаннуву лазат кьабикІайссар. ХъатІансса кьабайманал шануву нахІушиву, рахІатшиву кьадикІайссар.

Чак байсса куц

Аллагьнал ﷻ халкъ ляхъангу бувну, оьрмугу буллуно, ризкьигу буллуно бур гьарцаннан ва дуняллий. Ми неьматру булаву бакъасса, жуйва ялув буржругу бивхъуну бур. Ца мукумсса, чара бакъа бан аьркинсса бурж хъанай бур кьинилун ххюва чак баву. Муниву цукунчІавсса захІамтшивугу дакъар, цан-чирча, ца чак бан ххюра-ацІра минутІ диял шай.

Чаклил шартІру

ШартІ учайссар чак буллай айи-шиннин ва буллалисса чІумал дур-ручин аьркинсса затирттайн, мигу ххюра дуссар:

- 1) Чаклин ивссуну икІаву;
- 2) Чурх, янна ва чак байсса кІану марцІсса, нажас дакъасса бикІаву;
- 3) Аьврат (чара бакъа кІучІ дан аьркинсса базурду) кІучІ баву;
- 4) Чаклил чІун дуркІшиву кІул шаву;
- 5) Кьиблалин лажинну кІура аяву;

Ракааьтру

Гьарца чакливу дикІайссар цинна-цинна ккаккан дурсса ракааьтру: кІюрххил – кІира, ахтайннай – мукъра, ахттакъуннай – мукъра, маркІачІаннай – шанна, хъатІаннай – мукъра.

Чак баврил низам

Ялув чирчусса шартІругу шаллу дурну, Кьиблалул чулухунайгу урувгун нийят дайссар, масала: «На нийят дурунни ахтайн ча-



Нийят.

клил фаризасса мукъра ракааьт дан, Аллагь акбар» – куну, кІирагу канил хъун кІисри вичІал лахъшиврийн бияннин гьазгу дурну, хъазамраяр чансса яларай куя-мур каний урчІамур дишайссар. КІа «Аллагь акбар» увкусса махъ учайхтту инсан чакливу уссар. Му куцуду авцІуну унува буккайс-сар сура «аль-ФатихІа» (АльхІам).



АльхІам.

АльхІамрал хьирив кІулманал «кьулгьу» ягу цамур сура буккаву-гу хьинссар. Мунил хьирив гава куцуду кару гьаз дурну, «Аллагь акбаргу» куну, хьхьичІунай кьус ивкІун, кару никирттай дирхъуну рукуь дайссар. Рукуьрай шамил-

ва «субхІана раббияль аьзим ва бихІамдигь» учайссар. Ялагу гара куцуду каругу гьаз дурну «самааьллагу лиман хІамидагь»



Рукуь.

увкуну тІайла ацІанссар (иьти-даль). ТІайла авцІукун «раббана ва



Иьтидаль.

лакаль хІамд» учаву суннатссар. Яла «Аллагь акбар» увкуну цал-чинмур сужда байссар, цал никру риршуну, яла кару дирхъуну, яла ненттабакІ бивхъуну. Суждалу-ву шамилва «субхІана раббияль аьля ва бихІамдигь» учайссар. Хьирив «Аллагь акбар» увкуну кІилчинмур сужда баннин чан-са хІаллай никирттай щяикІан аьркинссар. Яла кІилчинмур сужда



Сужда.

байссар, кІава куцуду «Аллагь акбар» увкуну. Суждалува чара бакъа ненттабакІ, кару, никру ва ччаннал кІисри щяв лавну бикІан аьркин-сар. КІилчинмур сужда баврину цалчинмур ракааьт кьурталссар. КІилчинмур ракааьт даншиврул «Аллагь акбар» увкуну ивзун



АттахІийяту.

ччаннай ацІайссар. КІилчинмур ракааьтрал кІилчинмур сужда був-ну махъ дуккайсса «АттахІийяту»: «АттахІийятуль мубаракату-с-салавату-тІ-тІаййибату лиллагь. Ассаламу аьлайка аййугьа-н-набийю



АттахІийяту.

ва рахІаматуллагь ва баракатуьгь. Ассаламу аьлайна ва аьла эба-диллагь ссалихІин. Ашгьаду алля илягьа иллялагь ва ашгьаду анна МухІаммада-р-расуллолагь. Аллагьум-ма салли аьла сайидина МухІаммадин ва аьла али сайидина МухІаммадин ва саллим». АттахІийятулуву «ил-лялагь» тІисса мукъучІан ивукун, урчІамур канил кІисса чансса гьаз бувну бугьайссар, аттахІийяту дурккуну кьуртал хьуннин сук-ку кьабуллай. Мукумна дайссар шамулчинмур ва мукулчинмур ракааьтругу. Махъра-махъсса ракааьтругу «аттахІийяту» дурк-куну махъ, щяивкІун унува салам булайссар цал бакІ урчІа чулиннай кІура даян дурну, яла куя чулин-най кІура даян дурну, кІивагу чулухунмай «Ассаламу аьлайкум



Салам.

ва рахІаматуллагь» увкуну. Ванийну чак кьурталссар.

«Кьунут»

КІюрххил чакливу кІилчинмур ракааьтрай рукуьрая гьаз шайхтту, дуаь дайсса чІумал кунна каругу хьхьичІун дургьуну дуккайссар дуаь «Аль-Кьунут» («Магьдина»): «Аллагьуммагьдини фиман гьа-дайт, ва аьфни фиман аьфайт, ва таваллани фиман таваллайт, ва барик ли фима аьтІайт. Ва кьини бирахІаматика шарра ма кьазайт, фаиннака такъзи валя юкьза аьляйк. Ва иннагу ля язил-лю мав-валяйт, ва ля яззу ман аьдайт. Табаракта Раббана ва тааьляйт. Фалякьяль-хІамду аьля ма кьазайт. Астагьфирука ва ату-бу иляйк. Ва саллялагу тааьля ва салляма аьля хайри халкьигь МухІаммадив-ва аьля алигьи ва асхІабигьи ажмаэн, раббигьфир вархІам ва анта хайру-ррахІимин».

Раджаб رَجَبٌ الْحَسْبُ الْيَوْمِ барз

Раджаб барз хъанахъиссар Аллагъу Таабаланал хъунмасса рахъматну жунма гъан бувсса шанма мубараксса зурдардивасса цалчинмур. Жула Идавсил ﷻ увкуссар: «Раджаб Аллагънал ﷻ барзри, Шяъбан – ттул барзри, Рамазан – ттул умматрал барзри. Вай зурдардий дурсса эбадатрахсса, хъинсса аьмаллахсса чири Аллагънал ﷻ хъинну чъяву байссар, тавба дурманал бунагъру шюшайсар. Мунин бувну бусурманчувнаца шайссар Къиямасса Къини цинцилттал хъинмур чул кфу бансса гъану бишин.

Мухъаммад Идавсил ﷻ хладисраву увкуну бур: «Зула ва дуньяллийсса хъинсса ахир хъуну ччарча ва шйитлайнуца бурувччуну бикан ччай бухъурча, вай зурдардиха хурмат бувара зума дургъуну ва бунагъирттава пашман хъанай».

Раджаб зуруй гъарца хъинсса аьмаллу хъунма шайсса кунма, бувсса бунагъругу оь шайссар.

Раджаб зуруй зума дугъаву суннатссар. Шалва барз бутган къабюхъайманал цалчинмур, ацния хъойлчинмур ва махъра-махъмур къини бутганссар. Хладисраву бувсун бур: «Кулну бикан, Раджаб – Аллагъу Таабаланал барзри. Ва зуруй ца къини дунугу зума дургъусса бусурманчуна Аллагъ ﷻ рязину иклантиссар». Цамур хладисраву бур: «Раджаб зурул цалчинмур хъхъу эбадат дуллай гъан дурманал къюк къадирчлантиссар, чурх бивчарчагу. Аллагънал ганавун хъиншивуртту дутинтиссар, дахъа ниттил хъанна куна цалва бунагъирттавагу уккантиссар. Мукунсса инсаннахъ арулцалазара инсаннаха шафааьт бансса ихтияргу диклантиссар».

Идавсил ﷻ хладисраву бур: «Кулну биканьяра, Раджаб – Аллагънал барзри. Раджаб зуруй ца къинирагу зума дургъусса инсаннаха Аллагъ рязину иклантиссар». Цамур хладисраву тий бур: «Хъора хъхъу дуссар дуаь къамул къадурну къаритайсса: Раджаб зурул цалчинмур хъхъу, Шяъбан зурул дянивсса хъхъу, нюзмар къинилул хъхъу, кирсагу байрандалул хъхъурду (Ураза Байрам ва Къурбан Байрам)». Хаснура ххирамайну хъанахъиссар Раджаб зурул цалчинмур хъхъу ва къини, 15 – чинмур хъхъу ва къини, 27 – чинмур хъхъу ва къини. Вай хъхъурду ва къинирду хъинссар – хъхъурай эбадат дуллай, хъхъу чанна дуллай, къинирду зума дугълай тлайла дуккарча.

Хладисраву тий бур: «Цуманал чанна дуврив Раджаб зурул цалчинмур хъхъу, ганал къюк къадирчлантиссар, чурх бивкюсса чумал; Аллагънал ганал бакравухчин ганавун хъиншивуртту рутинтиссар. Ниттил увний куна, бунагъирттава уккантиссар. Арулцалазара Дуржагъравун багъантисса бунагъчитуран шафааьт бангу ихтияр дулунтиссар». Я Аллагъ! Ина жухъхъун тавфикъ була, вай Раджаб, Шяъбан, Рамазан барзру цил багъайкун тлайла буккан. Амин!



Раджаб зурул ххирашиву

Раджаб барз хъинну ххирасса, хъунмасса даража бусса барзри. Рамазан зурул хъирив мунир ххирасса барз бакъассар. Аьфву байсса, рахъму байсса, Аллагъ ﷻ ялтту учайсса барзри. Мунил аввалданийгу, ахирданийгу, дянивгу Аллагъу Таабла халкъуннах урувгун, цинявнал аьфву байссар, ширк бивхъу-маналгу, ссихир байманалгу, силатул рахъму къувкъу-маналгу, нитти-буттан аькьуба дулайманангу, гъибат-бутган байманалгу бакъасса. Минналсарив тавба дарча бакъа къабайссар. Ялагу мунил ххирашиву: Къаф зунттул махъ ца кйяласса лухъчи дуссар кйяласса малаиктурал дурцусса. Гъарца малаикнахъу ца-ца ттутъ буссар «Ляйлягъа илля ллагъ Мухъаммад Расулюллагъ» чивчусса. Раджаб зурул гъарца хъхъуну мий малаиктал дачун хъуну Мухъаммад Идавсил ﷻ умматиннал аьпа ба тий дуартту дуллан биклайссар. Муниву бувсса чанмур хъинсса аьмал Алагъначла ﷻ хъинну хъунмассар. Хлатта ца ракааьт чаклил дарчагу азарда дурсаксса чири буссар. Ца шагъи садакълун булурча, азарва булусаксса чири буссар. Ца къини зума дугъарча азарда къини дур-

гъусаксса чири буссар. Шалва барз бугъарчарив, машаАллагъ мунал даража. Муний зума дугълай ивкисса адиминан гъаттал аьзаб дакъассар. Гъаттаву цувалу къаитайссар. Му Раджаб зурул хурмат бурувчуну, му хъун бувма Къиямасса Къини Аллагъналгу ﷻ азарда карама-трайну хъун айссар. Му зуруй гъарца къини баргъ лагавришал мукъцалва «Ля хлавля ва ля къуввата илля биллягъил алийил аьзим» учавугу хъинссар. Хъхъичмур ацвагу гъантлий гъарца къини ттуршилва «Субхланал хайюл

къаюму» учирча, дянивсса ацвагу гъантлийгу микссава «Субхланаллагъил ахладиссамади» учирча, махъсса ацва гъайтлийгу микссава «Субхланаллагъи ррауфи» учирча, мунил чирилул хъншиврул сипат дан къашайссар. Гъарца къини ацния кйялва «Къулгъу» буккаву-гу хъиннува хъинссар му зуруй. Му Раджаб зурул хъхъичъра-хъхъичъсса хъхъуну садакъя бавугу, му уттара давугу хъинссар. Дуаьлухъхъун жаваб дулайсса хъхъур. Му хъхъуну ивкълуманалгу даража хъунмассар. Му хъхъуну, мунил ацния хъойлчинсса хъхъуну ва хъирирда-хъиривсса хъхъуну гъуслу бавугу хъинссар. Ниттил лякълува увксса чумал куна бунагърая марц шайссар. Хласил, му Раджаб зуруву чйрусса фазилартту, хъиншивуртту дуссар. Муниву хъинсса аьмал чйвусса бувну хъинссар. Хлатта Алжаннаву ца нех дуссар Раджаб тисса, накйнир кйяласса, ницнир нацлусса, микйнир дяркъусса. Раджаб зуруа ца къини дунугу зума дургъусса инсантал му неххя хлачлан бантиссар. Муний зума дугъан къабюхъайналгу, гъарца къини ца кйюла ччатл, я цамур зад садакълун дулаву хъинссар. Мугу къабюхъарча Аллагъ ﷻ чйвуну кйицлагича.

Рагъайбрал хъхъу

Раджаб зурул цалчинмур нюзмар хъхъу – Мухъаммад Идавсил ﷻ нитти-буттал магъар бивхъусса хъхъу хъанахъиссар. Му хъхъунин Лайлату-р-рагъайб учайссар. «Рагъайб» тисса мукълу мягъна – Аллагънал ﷻ цимилин ва рахъмулин хъул бишаву, ва дуаь къамул даву тиссар. Му хъхъуниву ва къинилуву чйрусса жунна къакълусса хикманшивурттугу дуссар. Му ниятгу гъарца бусурманчунан му хъхъу цащава бюхъайсса куццуй эбадат дуллай, бунагъирттая тавба дуллай, ливчлсса чакру хъирив лахъан буллай, садакъя буллай, миски-гъаривнан кумаг буллай, оьрчйрукулпат ххари буллай, гъанмаччаминнаха дуаьртту дуллай гъан дуруну хъинссар.

автор: Ризван Давудов

Рагъайбрал хъхъуну маркълан чаклил хъирив кйи-кйира ракааьт дуллай ацния кйира ракааьт суннатсса чаклил дайссар. Гъарца ракааьтраву «Альхамрал» хъирив шамийлва сура «Аль-Къадр» («Инна анзальнагъу»), ацния кйива «аль-Ихлас» («Къулгъу») буккайссар. Ацния кйира ракааьт дуркун, 70-лла ссалават дуккайссар: «Аллагъумма салли аьла сайидина Мухаммадинин-набийиль уммийи ва аьла алигъи». Яла сужда бувну, суждалуву 70-лла ва дуаь дуккайссар: «Субхулун къуддус рабул малаикати вар-рух». Яла суждалия ивзун, никирттай шйивкун 70-лла учайссар: «Рабигъфир вархъам ва тажаваз аьмма таьлам. Иннак антал ааьзул акрам». Яла кйилчингу сужда бувну, 70-лла цалчинмур суждалий дурккусса дуаь дуккайссар. Яла никирттай шйивкун дуаь дурну виλλα мюхтажшиву дусса зад Аллагъу Тааблалахъ чйа учайссар. Ца чумал Мухъаммад Идавс ﷻ цалва асхлбтурахъ Раджаб зуруй дурсса эбадатрал даражалия буслай ивкиссар. Ца хъунав хъусса инсаннал микку увкуссар, шалва зуруй зума дугъан ттуца къабюхъанссар, куну. Идавсил ﷻ ганахъ увкуссар: «Ина дугъи зума Раджаб зурул цалчинмур, ацния хъойлчинмур ва махъра махъмур къини, вин шалва зуруй зума дургъусаксса чири биклантиссар. Цалчинмур нюзмар хъхъугу хъама мадитара». Му хъхъу хъанахъиссар Лайлату-р-Рагъайб. Му хъхъунил шанма бутлун ца бутла лавгсса чумал гъарца ссавруннайсса, лухъчинийсса циняв малаиктал дачун хъуну байтуллагъравун Аллагъу Тааблалахъ чйа учайссар Раджаб зуруй зума дургъуса халкъуннал аьпа ба, куну. Аллагъналгу миннал дуаь къамул дурну аьпа байссар. Гъашину рагъайб хъанай дур май зурул 25-нния 26-мунинсса хъхъу. Ва хъхъу эбадатрай гъан дансса тавфикъ жухъхъунма Аллагънал ﷻ булуннав, Аллагъ ﷻ жуява рязи хъуншиврул. Амин!

Аль Исраъ валь-Мийраж

Раджаб зурул 27-мур хъхъуну Мухъаммад Идавс ﷻ Къабалучла шанай ивкун ур. Ганан «Чантл уку, шанашима!» тисса чу бавну бур. Яру тивтлукун, Идавсин ﷻ исвагъисса кйяласса яннардавусса Джабраил ва Микаил малаиктал ккавккун бур. Гайннал чларав балчаннуха лавхъусса, тинитту куннасса хъаругу дусса Буракъ бавцуну бивкун бур.

автор: Къурбан Абакаров

Мухъаммад Идавс ﷻ Буракърай шйивкун янил ляп учиннин Мадианул аьршарай хъуну бур. Микку Джабраил малаикнал Идавсхъ ﷻ чак бува куну бур, га цалва Хижда бантисса Мадианул аьрши душивугу бувсун бур. Муни махъ гай Тур-Синай тисса, Муса ﷻ Аллагънащал ﷻ гьалгъа тий ивкисса зунтучла бавцуну бур. Гиккугу Мухъаммад Идавсил ﷻ чак бувну бур. Яла гай Байт Лахъим (Вифлием) тисса шагърулийн бувкун бур. Гиккугу Идавсил ﷻ чак бувну бур. Муни махъ гай Йеру-

салимрайн бувкун, Байтуль-Мукъаддасраву Мухъаммад Идавс ﷻ цинявппа идавстуращал хъуна авкуну, гайннашал жамятрай чак бувну бур имамну авцуну. Мизитрава уккайхту, ганан ххал хъуну бур ссаврунная нурданул чанна лавхъсса чуртту ливккун, му чурттух мугълат бакъа янил ляп учиннин лавхъун ур ссавруннайн (аль-Мийраж). Му аруллагу ссавнийн гъаз хъуну, яла цуцлав ттинин гъаз къавхъусса лахъшивруйн гъаз хъуну ур. Аль-Исраъ валь-Мийраж хъанахъиссар Аллагъу Тааблалахъ так жула Идавсин ﷻ дуллусса ляличйиса хасшиву ва хурматшиву. Мийражрайсса чумал Идавсин ﷻ Ссавруннал Къабъа, Алжан, Дуржагъ, Аьрш, Курс ва цаймигу чйрусса, инсаннал аькълулух хъирив лаян къашайсса караматру ккаркссар. Гъарца ссавний ганан идавстал хъуна бакълай бивкиссар. Му хъхъуну Аллагъу Тааблалахъ бусурманнай гъантлун ххюва чак ялуг бувссар. Ссаврунная ливккукун, Мухъаммад ﷻ буракърай шйивкун, гацана цува шанай ивкисса кланай чантл увкуссар.

Сагъвийлул суждалул баян

Гъарца бусурманчувнан чара бакъа кӀулну бикӀан аьркинмур

Чакливу хьамабитала хьуну бан аьркинсса зад къабувну ягу мабара кусса зад барча, сагъвийлул сужда бан суннатссар. Мугу чакливу байсса сужда кунмасса кива суждари «аттахийяту» дурккуну махъ «салам» булуннин байсса.

Чаклил рукнурдаяту ца рукну личарча сагъвий хьуну, му рукнугу дурну сагъвийлул суждагу банссар. Рукну дакъа, цамур хьхьичӀмур «аттахийяту» хьама диртун личарча, ягу муний салават дутан хьама дитарча, ягу махъмур «аттахийятулий» «ва аьла али МухӀамадин» учин хьама битарча, ягу кӀюрххил чаклий «магъдина» дуккин хьама дитарча сагъвийлул сужда банссар. Имам Шафигънал мазгъаб бувгъума Ханафий мазгъабравуцца имамнал хьирив кӀюрххил чак буллау ухьурча, имамнал «магъдина» къадуккирча, Шафигъний мазгъабравуманал сагъвийлул сужда банссар.

Сагъвийну я рукуь, я сужда, я цамур зад, я щаллусса ракаабт ххи хьурча, ягу шя ивкӀукун «АлхӀам» (сура «Аль-Фатиха») буккирча, авцӀукун «аттахийяту» дуккирча даххана хьуну, ягу рукуьраву, суждалува мий цанния ца дуккирча, ягу кутласса рукну лахъи дарча, масала эъгидал ягу кивагу суждалул дияниш шя икӀаву, сагъвийлул сужда банссар.

ХьхьичӀмур «аттахийяту» хьама диртун изарча, ивзун авцӀуну махъ кӀура аян къабучиссар, яла сагъвийлул сужда банссар. Къабучишивугу кӀулну бунува кӀура аярча, чак зия шайссар. Хатта, имам сагъвий хьуну хьхьичӀмур «аттахийяту» къадурккуну изарча, мунал хьирив чак буллалимагу изан аьркинссар, ягу, дакӀниву имамная личи шаврин къасту дурну шя икӀанссар. Иманнащал ивзун авцӀуну махъ яла имам «аттахийяту» дуккин кӀура аярчагу, мунащал кӀура аян къабучиссар. Имам шяивкӀун, цува сагъвий хьуну изарчагу, кӀура авну шяикӀан ялувссар. Сагъвий хьуну, ивзун най уна, ччаннай ацӀаннин дакӀнин дагъарча, ягу махънал «субхӀанАллагъ» увкуну дакӀнин дутарча кӀура аяссар. Му чӀумалгу ацӀавричан гъан хьуну махъ кӀура аярча сагъвийлул сужда банссар. Гъан хьуннин дахъа гъаз шайхту кӀура аярча къабанссар. Къастгирай, кӀулну буна ивзун, яла кӀура аярчариь чак батӀу шайссар. «Магъдийна» хьама диртун суждалиин агъарча кӀура аян къабучиссар. Суждалиин агъаннин дакӀнин дагъарча кӀура авну дуккинссар. Рукнуь даврил къадарданийн ивну махъ кӀура аярча суждагу банссар, мунинин кӀура аярча къабанссар. Имамнал «магъдийна» дуклай маьмум сагъвий хьуну суждалиин агъарча, кӀура аян ялувссар.

«Магъдийна» дурккурвав, къадурккурвав, ягу «аттахийяту» дурккурвав, къадурккурвав, ягу хьхьичӀмур «аттахийятулий» салават дуртривав, къадуртривав тийиш чак хьурча, сагъвийлул сужда банссар. Мукъра ракаабт дайсса чаклий шанна дурдивав, мукъра дурдивав тийиш чак хьурча, ца ялагу ракаабт дурну сагъвийлул суждагу банссар, ххишала ракаабт хьурча зарал бакъассар. Мукунма цамур чакливугу.

Сагъвийлул сужда байссар салам булуннин. Сагъвий хьуну уна суждагу къабувну къастгирай салам булурча, яла бан къабучиссар, къабарчагу бучиссар. Сужда бан хьама бивтун салам булурча, булуну махъ дакӀнин багъаннин тамансса хӀалу хьурча, яла къабанссар. Салам булайхту гацӀана дакӀнин багъарча, кӀура авну суждагу буну, ялагу салам булунссар. Ца чакливу цимил сагъвий хьурчагу, кива сужда бакъа къабангиссар. Мий кивагу суждалувугу «СубхӀана ман ла янаму, вала ясгъу абадан» – учаву хьинссар.

Макъала хӀадур дурссар «ГъунчӀукъатӀан» тӀисса луттирайин чул бивцуну

Бисмиллагъи-р-рахӀмани р-рахӀим. АльхӀамдулиллагъи раббий-аьламин. Ва-с-саяту ва-с-саяму аьла сайидина МухӀаммадин ва аьла алигъи ва асхӀабигъи ажмаэн.

- Ина бусурманчуврав?
- АльхӀамдулиллагъ!
- На муний цак тийи ура!
- Ттул бара шагдадатри: «Ашгъаду алля илягъа илляллагъ, ва ашгъаду анна МухӀаммада-р-расулюллагъ» (На барашинна дуллай ура цаха лагъшаву дайсса Зал так ца Аллагъ ﷻ ушиву, ва на барашинна дуллай ура МухӀаммад ﷺ Аллагънал ﷻ гъан увсса идавс ушиву, халкъуннан тӀайласса дин лахъхьин дан).
- Вил Зал цури?
- Ттул Зал гъарзад ляхъан дурсса Аллагъри ﷻ.
- Вил Идавс цури?
- Ттул Идавс – МухӀаммадри ﷺ, Къурайштурал ХӀашимлул тухумравасса, Маккалив увсса, ва Мадиналив увчусса.
- Вил дин цури?
- Ттул дин Исламри – Аллагънайн ﷻ мютӀийминнал дин.
- Вил имам цури?
- Ттул имам Къуръанни.
- Вил къибла цумурди?
- Ттул къибла – Маккаливсса Къъбарри.
- Вил уссурвал цури?
- Ттул уссурвал муьминсса (иман дусса) арагталли.
- Вил ссурвал цури?
- Ттул ссурвал муьминсса хьамири.
- Вил ппу цури?
- Ттул ппу – Адам идавсри ﷻ.
- Вил нину цури?
- Ттул нину – ХӀавари.
- Вил душман цури?
- Ттул душман – шяйтӀанни.
- Ина шӀил зурриятравасса?
- На Адам идавсил ﷺ зурриятравасса.
- Ина цумур миллартаваасса?
- На Ибрагъим идавсил ﷺ миллатравасса.
- Шариатраву цими мазгъаб буссар?
- Шариатраву мукъва мазгъаб буссар: имам Абу ХӀанифанал, имам Маликлул, имам Шафигънал, имам АхӀмад бин ХӀанбаллул (цяту Аллагъ ﷻ рязи хьуннав).
- Ина цумур мазгъабраву ура?
- На имам Шафигънал мазгъабраву ура.
- Ина бусурман та хьуссара?
- На бусурман хьуссара «Явмуль аьхӀди ва-ль-мисакъ» (кьутӀи дулаварив ва му кьутӀи къамул даврил кьини) тӀисса кьини.
- Му цумур кьинири?
- Му кьини Аллагънал ﷻ рухӀу ляхъан дурну, миннахъ цӀувххуссар: «На зул зал акъарав?» – куну, гайннулгу жаваб дуллуссар: «ХӀакъну, Ина жул Залла, Аллагъ» – куну.
- Диннуллул цими гъану буссар?
- Диннуллул шанма гъану буссар: Иман, Ислам, Суннат.
- Иман ссайн учайссар?
- Иман – учайссар МухӀаммад Идавсия ﷺ бувкӀмур дакӀнихтуну, тӀайламуруну къамул баврин.
- Имандалул цими рукну дуссар?
- Имандалул дуссар ряхра рукну: 1) Аллагънайн ﷻ иман дишаву;

- 2) Малаиктурайн иман дишаву;
- 3) Аллагънал ﷻ ликкан бувсса луттирайин иман дишаву;
- 4) Аллагънал ﷻ гъан бувсса идавстуррайин иман дишаву;
- 5) Къиямасса Къинилин иман дишаву;
- 6) Къадарданин иман дишаву, хъанахьимур гъарзад Аллагънал ﷻ къудратрайну хъанай бушиву вихну; – Ислам ссайн учайссар?
- Ислам учайссар МухӀаммад Идавсил ﷺ бува кумур биттур буллау, Аллагънайн ﷻ мютӀи шаврийн.
- Исламрал цими рукну дуссар?
- Исламрал дуссар ххюра рукну: 1) Шагдадат дутаву;
- 2) Къинилун ххюва чак баву;

ра цукунчӀав дикӀан къабюхъайсса, цагу – дикӀан бюхъайсса. Чара бакъа дикӀайсса сифатру хъанхьиссар: Сидкъу – тӀайлашиву; Аманат биттур баву. Таблигъ – Аллагънал ﷻ ляхъхьин бувмур халкъунначӀан биян баву; ФатӀанат – аькьуллул камилшиву. Идавстурал дикӀан къабюхъайсса сифатру хъанхьиссар: Кизбу – шьялмахъ бусаву; Хиянат – хиянатшиву даву; КьитӀман – ХалкъунначӀан биян бан аькинмур къюлтӀи баву. Баладат – ахӀмакьшиву. Идавстурал дикӀан бюхъайсса сифат хъанхьиссар вайми инсантурал



- 3) Закят булаву;
- 4) Рамазан зуруй зума дугъаву;
- 5) Сант духурча, ХӀаж баву;
- Суннат ссайн учайссар?
- Суннат – МухӀаммад Идавсил ﷺ ккаккан бувсса ххулури.
- Аллагънал ﷻ цими сифат дуссар?
- Аллагънал ﷻ дуссар муькӀаллий цара сифат: къура – дакъа къабучисса, къура – дикӀан къабюхъайсса, цагу – дикӀан бюхъайсса. Дакъа къабучисса сифатру хъанхьиссар: Вужуд – Аллагъ ﷻ мяйжаннугу ушиву. Кьидам – Дайдихъу-аввал дакъашиву. Бакъаь – даим ушиву, ахир дакъашиву. МухӀаляфатугу лиль-хавадиси – шихачӀав лавхъхьусса акъашиву. Къиямугу бинафсигъи – СайнчӀав ва шинчӀав хӀажат къашайшиву. ВахӀданият – ца акъа акъашиву; Кьудрат; Ирадат; Элму; ХӀаят – уттавашиву; Самъ – ЧӀу баяву; Басар – ккаккаву; Калам; Къадирун – Гъарзадрай кьудрат думану ушиву. Муридун – Ххуймургу, обмургу байма ушиву. Аьлимун – Гъарзад кӀулма ушиву; ХӀайюн – Даим уттавану ушиву, тачӀав ухкьалагайшиву; СамигӀун – гъарзад баяйма ушиву; Басирун – гъарзад чӀалачӀима ушиву; Мутакаллимун – Гьалгъа байма ушиву; Аллагънал ﷻ дикӀан бюхъайсса сифат хъанхьиссар – ци-дунугу ляхъан даву – ччан бикӀарча, ляхъан дайссар, къачарча – къадайссар.
- Идавстурал цими сифат дуссар?
- Идавстурал дуссар урчӀра сифат – мукъра – чара бакъа дикӀайсса, мукъ-

баймур баву (масала, дукия дукаву, шанашаву, ва м.ц.)

- МухӀаммад Идавсил ﷺ ппухьгу царри?
- Идавсил ﷺ буттал чулухасса насаб: Аьбдуллагъ, Аьбдулмутталиб, ХӀашим, Аьбдманаф, Кусайю, Килаб, Муррат, Каъб, Луайю, Гъалиб, Фихр, Малик, Назар, Кинанат, ХӀузаймат, Мудрикат, Илийас, Музарр, Низар, Муаьд, Аьднан.
- Идавсил ﷺ нитгил чулухасса насаб: Аминат, Вагъбу, Зугърат, Аьбдманаф, Килаб (тихунмай бутталмунищӀал цацӀун хъанхьиссар).
- Идавсил ﷺ цими оьрчӀ бивкӀссар?
- МухӀаммад Идавсил ﷺ бивкӀссар арулва оьрчӀ: Къасим, Зайнаб, Аьбдуллагъ (Тагъир), Умму-Кульсум, ФатӀимат, Рукъийят, Ибрагъим.
- Идавсил ﷺ цими шарсса диркӀссар?
- МухӀаммад Идавсил ﷺ диркӀссар ацӀния кӀира шарсса: Хадижат, Аьйшат, Савдат, ХӀафсат, Умму-Саламат, Умму-ХӀабибат, Джувайрият, Сафийят, Маймунат, Зайнаб, РайхӀанат, Зайнаб.
- Къуръанналуву цими Идавсил ﷻ цӀа дуссар?
- Къуръаналуву дуссар кьуния ххюя идавсил цӀа: Адам ﷺ, Идрис ﷺ, НухӀ ﷺ, Ибрагъим ﷺ, Ясаь ﷺ, ИсхӀакъ ﷺ, Исмаил ﷺ, СалихӀ ﷺ, Закария ﷺ, Аьйюб ﷺ, Муса ﷺ, Шуаьйб ﷺ, Давуд ﷺ, Гъарун ﷺ, Юсуф ﷺ, Гъуд ﷺ, ЛутӀ ﷺ, Ильяс ﷺ, Зулькифли ﷺ, ЯхӀйа ﷺ, Сулайман ﷺ, Яькъуб ﷺ, Эса ﷺ, Юнус ﷺ, МухӀаммад ﷺ.
- Цими асхӀабнан баян бувссар Алжаннул ххарисса хавар?
- Дунияллийва бунува алжаннуву бикӀангисшиву ххариву бувсассар ацӀа асхӀабнахъ: Абубакр ﷺ, Оьмар ﷺ, Оьсман ﷺ, Аьли ﷺ, ТалхӀат ﷺ, Зубайр ﷺ, АьбдурахӀман бин Аьвф ﷺ, Саъд ﷺ, Саид ﷺ, Абу Оьбайдат ﷺ.

ХӀадур бувссар Малик Сулаймановлул

Чакливу «АльхІам» буккавил цими шартІ дуссар?

Чакливу «АльхІам» буккавил шартІру:

1. Цанма баянсса чІуний буккаву.
2. Царагу хІарп лях къакъадиртун, даххана къадурну буккаву.
3. АцІния мукърагу ташдид (удвоение) щаллу даву.
4. Лахъи дурну дуккайсса хІарпру лахъи даву.
5. Аятру куннил хъирир ку буккаву.
6. Аятиртгал дянив цамур зикри-тасбихІ хІала къабакъаву.
7. Чакливу «АльхІам» буккайссар извун авцІуну, цавагу аят лях къакъабивтун (Бисмиллагьгу аятну хъанахъиссар).

Бусурман акъаманал ка дугъарча чаклин иссаву зия шайссарив?

Арамтурал куннал куннал ка дугъаврийну чаклин иссаву зия къашайссар, бусурман ухърчагу, акъахъурчагу. Му-кунма хъамитайпалул хъамитайпалул кадугъаврийнугу чаклин биссаву къалияйссар.

Чак бувну махъ цал азкарду дурккуну хъинссарив ягу суннат чакру бувну хъинссарив?

Чаклил хъирир цал азкарду дурккуну хъинссар, щяивкІун унува, яла суннат чакру байссар.

БучІиссарив мусил ягу арцул тІахІни ишла дуллан?

Арцул ва мусил тІахІни ишла даву хІарамссар арамтурангу хъаннингу. МухІаммад идавсил ﷺ увкуссар: «Сунттул яннагу малаххари, мусил ва арцул тІахІнилува дукрагу мадукари» – куну. (Бухари, Муслим)

Тгун бавссар мурхъ бутан къабучІиссар тІий. Му тІайлассарив?

ЦичІав аьркиншиву дакъанура щюллиса мурхъ бутан къабучІиссар. Мурхъ бувтун тІама ишла даншиврул бутан ихтияр дуссар, амма бюхъавай хъунив хъусса, къавкъсса мурхъру ишла бан хІарачат бан аьркинссар.

Къуръандалува яла ххирамур аят цумурди?

Яла ххирамур аят хъанахъиссар «Аятуль-Курси», яла ххирамур сура – «Аль-Фатиха» («АльхІам»)

БучІиссарив аьлимчуначІату автограф ласун?

Мукун дуллан къааьркинссар, муниву цичІав мяъна дакъассар.

Нюжмар къини мизит бувцІуну бунутІий къатІув чак бан багъарча, тахІият-чак бан аьркинссарив?

Мукунсса чІумал тахІият-чак бан аьркиншиву дакъассар.

БучІиссарив хъамитайпалун балчаннуй буртІий занан?

БучІиссар.

ХІажатханттуву гъалгъа тІун къабучІиссар тІун бикІай. Му тІайлассарив?

ХІарам бакъанугу, хІажатханттуву ихтилат баву къахъинссар. Бақрай къяпа бивхъуну уххавугу хъинссар.

Чагъарданий чирчуну ивкІуманал гъаттаву дишайсса дуаьртту дикІайссарив?

Мукун дишин ккаккан дурсса дуаьртту дуссар, миннул хІакъираву имам Тирмизиняту бувкІсса хІадисругу буссар. Мукунсса дуаьртту чирчуну ивкІуманал сурураву ганал хъазамрай диширча, гъаттал аьзаврая ва Мункар-Накирнал суалдания ххассар шайссар, куну бур. Ми чирчусса хІадурсса чагъарду бахлай бикІайссар. Мунияту, ччиманаща бюхъантІиссар лавсун, хІадур бувну битан аьркин хъусса чІумал ишла баншиврул. Му захІматсса задгу бакъанутІий, мукунмагу бивкІулийнсса хІадуршинна дан аьркинни. Гъаттаву бишайни ми чагъарду чІутІ бучІайсса шушлуву бивхъуну хъинссар, чапал къахъуншиврул. (ХІашиятул Жамал)

ИвкІусса инсан гъаттаву щил ишин аьркинссар?

ИвкІума гъаттаву ишинссар бивкІу буччаврил хІакъи-хІисав ххуйну кІулманал. Му цувагу ивкІуманал гъанчу ухъурча хъинссар.

Жаназалул чак цими инсаннал бувну хъинссар?

Жаназалул чак бан чІявусса арамтал бавтІссаксса хъинссар. Цавай хІадисирттаву увкуну бур ттуршуннал бувну хъинссар куну, цайминуву мукъцІалуннал бувну хъинссар тІий бур.

КІюрххил чаклил хъхъичІ байсса суннатсса ратибат чаклил чІун «акбар» увкуну цими минутІрава дучІайссар?

КІюрххил чаклил ратибатрал ва цаймигу фарзрар хъхъичІ байсса ратибатирттал чІун дайдишайссар чаклил чІун дуркІукун. Мунияту, «акбар» учайхтту фаризасса чак бан бучІисса кунма, ратибатту бан бучІиссар. (ФатхІул-аьллам)

Щарсса ласнаяр дин кІулсса духъурча, бучІиссарив муни ласнал хъхъичІ чакливу имамну дацІан?

КъабучІиссар. Адиминал хъамитайпалул хъирир бувсса жамят-чак хІисав бакъассар. Хъамитайпалун бучІиссар хъамитайпалул ягу адиминал хъирир чак бан.

ХХИРАССА УССУРВАЛ ВА ССУРВАЛ! НАЙ ДУССАР 2013-КУ ШИНАЙНССА "АС-САЛАМ" ККАЗИТРАЛ ПОДПИСКА. ККАЗИТ ЧИЧИН ХЪУНТИССАР ЧЧИМУР ПОЧТАЛИЙ ВА ГЪАРЦА РАЙОННАЙССА ЖУЛ ВАКИЛТУРАЙХЧИН. ЛАККУ МАЗРАЙССА ККАЗИТРАЛ ШИНАЙССА БАГЪА ХЪАНАХЪИССАР 270 КЪУРУШ, ОБРУС МАЗРАЙССА ККАЗИТРАЛ – 583 КЪУРУШ. ККАЗИТ ЧИЧАВРИЛ ВА БИЯН БАВРИЛ ХІАКЪИРАВУ ОБВЧИН БЮХЪАНТИССАР ВАЙ НОМЕРДАЙН: ЦІУССАЛАКРАЛ РАЙОНДАЛИЙ ВА НОВОСТРОЙРАЙ +7-988-307-04-03, ЛАККУЙ +7-988-771-59-70. АЛЛАГЪНАЛ КУМАГ БАННАВ!



ДУАЪ

БАЛА-БУРУККИН ВИЯТУВА ЯЛА ЛАВГУКУН ДУККАЙССА ДУАЪ

الحمد لله الذي اذهب عنا الحزن ان ربنا لغفور رحيم

АлхІамдуллилагъи ллази азгъаба аьннал хІазана инна раббана лагъафурун рахІим

Рузнама

Июнь

Къини	КІюрххил чак	Баргъ букваву	Ахтгайн чак	Ахтгаькун чак	МаркІачІан чак	ХъатІан чак
1	2:57	5:11	12:47	16:49	20:23	22:18
2	2:56	5:10	12:47	16:49	20:24	22:19
4	2:54	5:09	12:47	16:50	20:25	22:21
6	2:52	5:09	12:48	16:51	20:26	22:23
8	2:51	5:08	12:48	16:51	20:28	22:26
10	2:49	5:07	12:48	16:51	20:29	22:28
12	2:49	5:07	12:49	16:52	20:30	22:29
14	2:47	5:06	12:49	16:53	20:32	22:31
16	2:47	5:08	12:50	16:54	20:32	22:32
18	2:47	5:08	12:50	16:54	20:32	22:33
20	2:47	5:08	12:51	16:55	20:32	22:35
22	2:47	5:08	12:51	16:55	20:32	22:35
24	2:47	5:09	12:51	16:55	20:33	22:34
26	2:50	5:10	12:52	16:56	20:34	22:34
28	2:50	5:10	12:52	16:56	20:34	22:34
30	2:52	5:11	12:52	16:56	20:34	22:33

ХІурмат бусса уссурвал ва ссурвал! Зунма цІуххин ччисса, ИсламрацІун, ШариаьтрацІун, кулпатрал багъу-бизулуцІун бавхІусса ва цаймигу суаллу гъан бан бюхъайссар SMS – райхчІин 8-928-580-37-89 номерданийн, ягу 51-85-22 номерданийн овькуну цІуххин. e-mail: assamlak@mail.ru